

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**KANTONALNI SUD U SARAJEVU**

Broj : 09 0 V 022361 14 V  
Sarajevo: 22.07.2015.godine.

Kantonalni sud u Sarajevu, i to sudija Stupar Braco, rješavajući u vanparničnom postupku po zahtjevu predlagatelja J. P. K., Slovenija koga zastupaju **Prnjavorac Alma i Prnjavorac Azur advokati** iz Tuzle, protiv protivnika predlagača K. B., ulica Branilaca Sarajeva, Sarajevo, radi priznanja strane sudske odluke, van ročišta dana 22. 07. 2015. godine donjeo je

**RJEŠENJE**

PRIZNAJE SE zadržavajuća presuda Okružnog suda u Kranju broj IP – 398/2007 od 14.07.2009. godine kojom je tuženi K.B. Sarajevo, ulica Branilaca Sarajeva, dužan tužitelju J. P. K., Slovenija, isplatiti iznos u visini od 23,981,01 EUR u roku od 8 dana, zajedno sa zakonskim zateznim kamatama od 11. 10 .2005. godine do dana plaćanja.

Tuženi K.B Sarajevo je dužan tužitelju J. P. K., Slovenija, naknaditi troškove parničnog postupka u iznosu od 2.006,45 EUR roku od 15 dana ,a u slučaju kašnjenja zajedno sa zakonskim zateznim kamatama po proteku parcionog roka do isplate.

Obavezuje se protivnik predlagatelja da predlagatelju nadoknadi troškove postupka priznanja strane sudske odluke u ukupnom iznosu od 1.912,00 KM u roku od 15 dana.

**OBRAZLOŽENJE**

Predlagatelj je putem punomoćnika dana 27.10.2014.godine ,podnio prijedlog za priznanje strane sudske odluke – presude Okružnog suda u Kranju broj IP – 398/2007 od 14.07.2009. godine kojom je tuženi K.B. S., ulica Branilaca Sarajeva, dužan tužitelju J. P. K. Slovenija, isplatiti iznos u visini od 23.981,02 EUR u roku od 8 dana , zajedno sa zakonskim zateznim kamatama od 11.10.2005.godine do dana plaćanja ,kao i da mu nadoknadi troškove parničnog postupka u iznosu od 2.006,45 EUR u roku od 15 dana , a u slučaju kašnjenja zajedno sa zakonskim zateznim kamatama po proteku parcionog roka do isplate.

Odgovor na prijedlog nije dat.

Rješavajući o prijedlogu za priznanje strane sudske odluke ovaj sud je proveo dokaze uvidom u zadržavajuću presudu Okružnog suda u Kranju broj IP- 398/2007 od 14.07.godine , te je utvrdio da je tuženi obavezan da tužitelju isplati iznos u visini od 23.98,02 EUR u roku od 8 dana, zajedno sa zakonskim zateznim kamatama od 11.10.2005.godine do plaćanja,kao i da mu nadoknadi troškove parničnog postupka u iznosu od 2.006,45 EUR roku od 15 dana, a u slučaju kašnjenja zajedno sa zakonskim kamatama po proteku parcionog roka do isplate, da je tuženi davanjem odgovora na tužbu stupio u parnicu , na koji način je učestvovao u postupku koji je predhodio donošenju navedene presude , te da je presuda postala pravosnažna sa danom 28.01.2010.godine , a izvršena sa danom 13.02.2010.godine.

Odlučujući o priznanju predmetne odluke, ovaj sud je našao da nije postojala isključiva nadležnost suda u Bosni i Hercegovini, da je protivnik predlagatelja učestvovao u sudskom postupku koji je okončan donošenjem pravosnažne presude, te da su ispunjeni uslovi i predviđeni odredbama člana 86. stav 2. do 95. Zakona o rješavanju sukoba Zakona sa propisima drugih zemalja u određenim odnosima.

Odredbama člana 88. Zakona o rješavanju sukoba zakona sa propisima drugih zemalja propisano da će sud Bosne i Hercegovine odbiti priznanje strane sudske odluke ako povodom prigovora lica protiv koga je ta odluka donesena utvrdi da to lice nije moglo učestvovati u postupku zbog nepravilnosti postupka.

Odredbom člana 89. istog zakona strana sudska odluka se neće priznati ako u odnosnoj pravnoj stvari postoji isključiva nadležnost suda ili drugog organa u Bosni i Hercegovini, a članom 90. strana presuda se neće priznati ako postoji pravosnažna odluka suda u Bosni i Hercegovini, te ukoliko je u suprotnosti sa Ustavom BiH (član 91. Zakona), a što nije bio slučaj u konkretnoj pravnoj stvari.

Kako je navedena odluka postala pravosnažna i izvršna, to ovaj sud smatra da su ispunjeni uslovi predviđeni odredbama člana 86. do 95. Zakona o rješavanju sukoba zakona sa propisima drugih zemalja, radi čega je na osnovu člana 28. stav 3. tačke Zakona o sudovima u Federaciji Bosne i Hercegovine, odlučeno kao u izreci ovog rješenja.

Odlučujući o zahtjevu predlagatelja za naknadu troškova postupka, ovaj sud nalazi da je isti osnovan, a isti se sastoje od troškova sastava prijedloga za priznanje strane sudske odluke u iznosu od 832,00 KM i uplaćene takse za prijedlog od 1.080,00 KM što ukupno iznosi 1.912,00 KM. Ovo stoga jer se prijedlog odnosi na priznanje strane sudske odluke u kojoj je protivnik obavezan na plaćanje duga u iznosu od 23.981,02 EUR koja presuda je postala pravomoćna i izvršna, a protivnik predlagatelja nije u toku postupka pružio dokaz da je ispunio obavezu po pravomoćnoj presudi, što upućuje na zaključak da je protivnik predlagatelja dao povod za pokretanje i vođenje postupka priznanja ove odluke i izazvao njegove troškove u dosuđenom iznosu, pa mu sud u skladu sa odredbom člana 2 Zakona o vanparničnom postupku Federacije Bosne i Hercegovine dosuđuje navedeni iznos imajući u vidu da je članom 31. stav 5. Zakona o advokaturi Federacije Bosne i Hercegovine propisano, između ostalog, da nagrada advokatima za pružanje pravne pomoći stranci na sudu u parničnom i vanparničnom postupku ne može prelaziti jednomjesečni prosječni lični dohodak u Federaciji Bosne i Hercegovine.

**POUKA:** Protiv ovog rješenja dozvoljena je žalba Vrhovnom sudu Federacije u BiH u roku od 15 dana, putem ovog suda do dana prijema rješenja.

Sudija

Stupar Braco